



CUMÜN DA SENT



# Il mas-chalch da Sent

Publicaziuns officialas. Cumpara seguond bsögn.

2012-2014

no. 1

7554 Sent, 4 schner 2011 / cl

## **Program da la festa da Cuvits dumengia, 8 schner 2012, in Plaz**

13.30

Il sain grond suna

13.45

Reuniun ed act festiv in Plaz

### **Program da l'act festiv:**

1. Chant dals scholars pitschens
2. Chant dals scholars gronds
3. S-chüsa dal capo scadent
4. Saramentaziun dal capo nouvelet,
5. Saramentaziun dals ufficiants ed impiegats
6. Pled da Cuvits dal capo nouvelet
7. Produenziuns da la società da musica

### **Vin chod davo l'act festiv**

Sco üsità invida il Cumün davo l'act festiv a la populaziun a baiver ün magöl vin chod o punsch sainza alcohol ed a mangiar ün panin o üna culla micha i'ls restorants in cumün fin a las 17.00.

**Il Cussagl cumünal**

## **Fit da retard e fit da restituziun a partir dals 1. schner 2012**

Ils fits per quints cumünals e dabuns vegnan fixats tenor pratica dal Chantun:

1. fits da retard 4 %
2. fits da restituziun 1.5 %

### **Chascha cumünala**

## **Dovair d'annunzcha controlla d'abitants**

Tenor ledscha (BR 171.200 Art. 13) es mincha persuna chi vain a star in cumün, parta da cumün o fa müdada in ün'otr'abitaziun in cumün in dovair d'annunzchar quai infra 14 dis a la controlla d'abitants. Quatras rendaina attend ch'eir la müdada da cumün in üna chasa d'attempats (eir scha'l lö da domicil resta Sent) ha da gnir annunzchada la la controlla d'abitants.

### **Controlla d'abitants**

## **Nouvas taxas pels bigliets dal Vereina a partir dals 1. schner 2012**

Pels bigliets dal Vereina chi pon gnir retrats dals abitants da Sent per ün predschi redot daja ün augmaint da predschi. A partir dals 1. schner 2012 han ils bigliets ils seguaints predschs:

Taxa d'inviern (december fin avrigl): fr. 26.50

Taxa da stà (mai fin november): fr. 21.00

Ils bigliets pon gnir retrats in büro cumünal d'uranti ils uraris da fanestrigl.

### **Administraziun cumünala**

## **Giantar cumünaivel**

Als 18 schner 2011 giaina a giantar sü Ftan al Restorant Pallafitta.

La posta parta a las 11.10 d'avent da Plaz. Il viadi vain sport da la corporaziun evangelica.

Sperain cha no possan passantar darcheu ün pèr bellas uras insembel.

Annunzchas piglia jent incunter duonna Erica Clalüna, tel. 081 864 07 59

### **La corporaziun evangelica**



## **Infuormaziun**

Causa mancanza da commembers activs sto gnir scholta la gruppa da sots da Sent per la fin da l'on. Il rest dals activs piglian part a la gruppa da sots da Scuol. Quella as chatta la prosma jada in lündeschdi als 9 schner 2012 a las 20.30 h in chasa da scuola a Scuol. Per ulteriuras dumondas sta Valentin Domenig gugent a disposiziun.

## **Destin da la gruppa da sots**

Nus vain cret, chi saja dret

dad ir cul temp.

Mo da di in di il temp es i a fuond

ed ha fat flus cun la gruppa da sots.

### **La gruppa da sots**